



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



44
491

Vogošća, Ul. Jošanička br. 80; tel: 00387 33 586-413, fax: 586-444

Broj: 03-21-SL-5/21

Vogošća, 08.02.2021. godine

SKUPŠTINA KANTONA SARAJEVO
n/r Predsjedavajućeg
Gosp. Elvedin Okerić

Predmet: Obavijest

Veza Vaš akt broj: 01-01-151-54/21 od 01.02.2021. godine

Poštovani,

Vezano za Vašu inicijativu upućenu Općinskom načelniku Općine Vogošća u vezi postepenog ukidanja komunalne takse na istaknutu firmu, u naredne tri godine, obavještavamo Vas da nažalost nismo u mogućnosti realizovati Vašu inicijativu, jer je obaveza plaćanja komunalne takse na istaknutu firmu Zakonom propisana, i postupanje u cilju ukidanja takse grubo je kršenje Zakona.

Naime Zakon o komunalnoj taksi u Kantonu Sarajevo, na osnovu kojeg općine u Kantonu donose pojedinačne Odluke o visini komunalne takse propisao je obavezu plaćanje takse na istaknutu firmu.

Članom 3. Odluke o visini komunalnih taksi na području Općine Vogošća "Službene novine Kantona Sarajevo", broj: 2/13, 7/13, 1/19, taksativno je navedeno za koju vrstu djelatnosti, u kojoj zoni i u kojem novčanom iznosu se utvrđuje godišnja taksa na istaknutu firmu. Zakon nije predvidio oslobađanje od obaveze plaćanja takse.

Po navedenom Zakonu i shodno članu 6. Odluke o visini komunalnih taksi na području Općine Vogošća ("Službene novine Kantona Sarajevo", broj: 2/13) u prvoj godini poslovanja samostalni djelatnici oslobođeni su plaćanja komunalne takse na istaknutu firmu.

Ujedno Vas obavještavamo da je do sada bilo više zahtjeva da se ukinu takse na istaknutu firmu, ali naša Općina kao i sve ostale općine na Kantonu Sarajevo nije postupala u tom pravcu, odnosno nisu ukinute nikome komunalne takse.

Razumijemo u potpunosti Vaš Zahtjev, ali Vas moramo obavijestiti da je pokretanje procedure ukidanja komunalne takse isključiva nadležnost i posao zakonodavca, tj. Skupštine Kantona Sarajevo, te biste stoga trebali pomenutu inicijativu uputiti u parlamentarnu proceduru kojom bi se ušlo u postupak izmjene postojećeg Zakona o komunalnim taksama na području Kantona Sarajevo, jer samo zakonodavac može vršiti izmjene i dopune već postojećeg Zakona na unaprijed utvrđen način.

S poštovanjem

OPĆINSKI NAČELNIK
Edin Smajčić
Edin Smajčić